

27 مارچ پہ بلوچ راجہ سیاہیں روچ

باہڑ بلوچ

27 مارچ ہما روچ انت کہ چہ بلوچہ آئی استانی وتواجہی پچگرگ بیت ۽ زورانسری بلوچہ سردگار تاکت ۽ زور ۽ ایردست کنگ بیت ایردستی ۽ ہوپ ۽ بلوچ ۽ مڈیانی لٹ ۽ پلہ بگر دانکہ آئی ۽ چکچینی، ربیدگانی پروشگ ۽ آیانی جاگہ وتی جوڑ کرتگیں ربیدگانی سرا مشگ بندات بیت۔ اشانی دروراں ما لٹ ۽ پلی پروجیکٹانی دروشم ۽ دیست کت کینی چوشکہ کوہ ۽ سلیمان ۽ دمگ ۽ سوئی گیس ۽ کشگ بہ بیت یا کہ یورینم ۽ کوئلہ ۽ یا کہ دومی دیم ۽ جھالاوان ۽ دمگ ۽ سیندک ۽ ریکوڈک بہ بنت یا سنگ ۽ مرمر لٹ ۽ پل بہ بیت۔ ایشاناں مروچی ۽ دان بلوچہ زورگیری ۽ ساہگ ۽ ریاست ۽ برجہ داشتگ ۽ بلوچ ۽ را ایردستیں راجہ ۽ بستارہ لگتال کنگ ۽ انت۔ بلے بنداتی روچہ بگر دان انوں بلوچ ہچ زورگیری ہلاپ ۽ ہاموش نہ بوتگ نیکہ وتی ایردستی اوپار کتگ تے ۽ وتی وتواجہی ۽ پہ مدامی ڈولہ زورگیری ہلاپ ۽ گہگیری کنگ ۽ انت۔ مارچ 27 ہما سیاہیں روچ انت کہ پاکستان ۽ وڈیں وتساچیں استانے کیت بلوچستان ۽ وڑیں بندپتری استانے کہ آئی ۽ امر 282 سال انت پہ زورانسری ایردست کنت تے ۽ اولی روچہ چہ وتی لشکر کشی ۽ بندات کنت ۽ ہما روچہ چہ بلوچ زورگیری ۽ ہلاپ ۽ پاد کیت ۽ وتی وتواجہی ۽ جہد ۽ بندات کنت کہ اے جہد ہمک وهد ۽ پاساں وتی رنگ ۽ دروشم ۽ بدل کنت بلے اوشت آماچ نہ بیت ۽ مرچی ۽ دان انگت برجہ انت ۽ دان بلوچستان ۽ آزاتی ۽ برجہ مانیت۔ اگاں بلوچ ۽ گوست ۽ بچار این گڑا مدام ہمے گندگ ۽ کیت کہ بلوچ وتی واتواجہی ۽ استان ۽ رکنگ ۽ پہ دست ۽ پاد جنگ ۽ انت۔ کجام اوں وهدے ۽ زورگرے اتکگ بلوچہ سردگارہ سرے کبزہ کنگ تے گڑا مدام بلوچہ گہگیری کنگ ۽ ہچ وڈیں زوراوریں تاکت بلوچہ وتی سردگارہ سرے برداشت نہ کتگ ۽ یک وتواجہیں راجہ ۽ بستارہ زانگ بوتگ ۽ وتی یک آزاتیں سردگار ۽ استانے بوتگ تے۔

انچو کہ مئے کرے بلوچ ۽ گوست ۽ گہگیری ۽ درور آست انت کہ انگریز ۽ پدا پاکستان ۽ ایگ ۽ کبزہ کنگ ۽ چہ پیسر اوں بلوچ ۽ سردگارہ سرے زورگیر اتکگ انت ۽ بلوچہ سردگار اش ایردست کنگ ۽ جہد کتگ اش بلے بلوچاں زورگیری ۽ ہلاپ ۽ مدام گہگیری کتگ ۽ زورگیر وتی سردگارہ چہ گیلنتگ۔ اگاں بلوچہ سردگارہ بچارایں گڑا بلوچہ وتی یک ہاسیں strategic location یے ہست انت چوشکہ بیپاری دنیا ۽ بنجابی راہ ۽ درے ۽ بستارہ زانگ بیت۔ آئی ۽ وتی زری ۽ زمینی بیپاری راہ ۽ در است انت ہمیشکہ دنیا ۽ جتائیں تاکتواریں راجانی چم بلوچہ سردگارہ مدام سک بوتگ ۽ انگت پاکستان ۽ ایران ۽ بگر دانکہ ایدگہ تاکتانی نگاہ بلوچ سردگارہ سک انت۔ بازیں دری تاکتاں بلوچہ سردگارہ سرے کبزہ کنگ ۽ جہد کتگ بلے بلوچہ انچیں گہگیری تے گون انت کہ ہچہر بلوچہ دری تاکت وتی سردگارہ برداشت نہ کتگ ۽ زوراوریں تاکتانی ہلاپ ۽ مدام گہگیری کتگ۔ پہ درور اگاں بلوچہ گوست ۽ گہگیری

جنزاں بچار این گڑا گندگ ۽ کیت وهدے پخامنشی بلوچ ۽ سردگاره کایت گڑا ابرداد میر اشانی هلاپ ۽ گهگیری کنت چه وتی زمین ۽ در اش کنت، انچوساسانی آنی هلاپ ۽ سیاہ سوار ۽ گهگیری گندگ ۽ کیت ۽ همے حساب ۽ عربانی هلاپ ۽ میر حمزه سستانی ۽ گهگیری گندگ ۽ کیت کہ عرب اوں بلوچ ۽ گهگیری ۽ دیمپان بوتگ ۽ بلوچ ۽ سردگاره سر ۽ نندگ ۽ کبزه کنگ ۽ بے سوب بوتگ۔ همے حساب ۽ گردانی هلاپ ۽ علی الکوبی ۽ گهگیری، منگولانی هلاپ ۽ بلانوش بلیدی ۽ پرتگیزیانی هلاپ ۽ حمل ۽ جیئند ۽ گهگیری ۽ چه گندگ ۽ کیت کہ بلوچ ۽ هچبر وتی سردگاره دری تاکت برداشت نہ کتگ انت ۽ اشانی هلاپ ۽ گهگیری کتگ ۽ دری تاکت مدام بلوچ ۽ سردگاره نندگ ۽ کبزه کنگ ۽ بے سوب بوتگ انت۔

انگریز ۽ کبزه ۽ بلوچ ۽ گهگیری:

انچو کہ بلوچ ۽ تب ۽ بابت ۽ برز ۽ گپ بوتگ ات کہ بلوچ ۽ انچیں گهگیری تبے هست انت انچوشکہ و دری تاکتاں دلگوش بلوچ ۽ سردگاره سک بوتگ انت یا کہ آهگ ۽ کوشست کرتگ گڑا دری تاکتاں مدام بلوچ ۽ گهگیری ۽ دیمپانی ۽ پرورش الم وارنگ۔ همے حساب ۽ وهدے انگریز گون وتی لشکر ۽ ریاست ۽ کلات ۽ سر ۽ ارش کنگ ۽ پہ کایت گڑا میر مہراب خان گون وتی سداں گیش همراہاں انگریز ۽ لشکر ۽ جنگ دنت ۽ گدسر ۽ نمیران بیت۔ میر مہراب خان زانت کہ من گون وتی کمیں همراہاں انگریز ۽ مزنیں لشکر ۽ شکست دات نہ کناں بلے همے گپ ۽ جنت کہ درستیں جنگ سوہمندی ۽ پہ کنگ نہ بنت بلکیں لہتیں جنگ وتی هستمانگ ۽ وتی راج ۽ سریدی ۽ بیدار کنگ ۽ پہ بیت۔ انچوشکہ بلوچ وتی سر ۽ دنت بلے سر جہلی ۽ برداشت نہ کنت۔ میر مہراب خان گون وتی همراہاں انگریز ۽ لشکر ۽ هلاپ ۽ گهگیری کنان ۽ 13 نومبر 1839ء گون وتی کنگریں همراہاں نمیران بیت ۽ انگریز ریاست ۽ کلات ۽ کبزه کن انت ۽ بلوچ ۽ ایردست کنت۔ 1839ء بگر داں 11 اگست 1947ء انگریز ۽ کبزه بلوچ ۽ سردگاره برجہ بیت ۽ اے 108 این سالانی تہ ۽ انگریز بلوچ بندپتر، بلوچ دود ربیدگ، ۽ قبائلی نظام درستاں وتی وڑ ۽ رد ۽ بدل کنت۔ اے ہما دور بیت کہ بلوچ ۽ وتی بندپتر نویس یا نبشتکار نہ بیت (البتہ بلوچ ۽ گورہ بندپتر برطانیہ ۽ ایردستی ۽ پیسر سرزبانی دروشم ۽ همک شے بوتگ انت ۽ همے روایت سینگ در سینگ یکے دومی ۽ سر بوان بوتگ انت) گڑا آ گون وتی ردیں گپتماناں بلوچ ۽ بندپتر ۽ نبشتہ کنت، بلوچ ۽ دود ربیدگ ۽ لگتمال کنت۔ انگریز ۽ آگ ۽ چه پیسر بلوچ ۽ کر ۽ سردارانی وتی یک کردے بوتگ کہ چه وتی تمنانی نیمگ ۽ مدام گون شریں نگاہاں چارگ بوتگ انت ۽ تمن ۽ سروک مدام سنگینیں ۽ سپیدپوشیں مردم بوتگ انت۔ بلے وهدے انگریز کیت گڑا سرداری نظام ۽ تب ۽ مٹ کنت ۽ تاکت ۽ ہما سردارانی دست ۽ دنت کہ انگریز ۽ زورگیری ۽ مہکم کنگ ۽ ہمائی ۽ گون همراہداری ۽ کن انت۔ یکے همے وهد ۽ باریگاں انگت بلوچ ۽ گهگیری زوراو ۽ بگیری ۽ برجہ بیت کہ مارا 1840ء مری بگٹی گهگیری ۽ دروشم ۽ گندگ ۽ کیت کہ انگریز کاہان ۽ سر ۽ کبزه کنگ ۽ بے سوب بیت۔ بلوچ راج وهد ۽ همراہی ۽ وتی جنز ۽ گهگیری ۽ دروشم ۽ تہ بدلی کاریت ۽ سیاسی جہدے بندات کنت۔ 1920ء یوسف عزیز مگسی ۽ سروکی ۽ ینگ

بلوچہ نامہ سیاسی جہدبندت بیت کہ دیمترہ 1932 ء انجمن اتحاد بلوچاں نامہ سرہ بلوچہ اولی سیاسی گلہ دروشمہ دیمہ کیت ء ہمہ سیاسی جہد برجاہ بیت دان 1947ء 11 اگستہ بلوچہ چہ انگریزہ وتی آجوئیہ گیت۔

کلات استان:

15 اگست 1947ء خان آف کلات خان احمد یار خان کلات (state) آزاتیہ جارہ جنت ء کلات یک آزاتیہ استانہ بستارہ وتی رھبند ء دستوراں ٹھینیت ء سرجمیہ اعوان خاص ء اعوان عامان اڈ دنت ء بلوچی ماتی زبانہ بلوچی راجی زبان لیکگہ جارہ پرنیت۔ ہمہ حسابہ 14 اگست 1947ء دگہ یک راجہ وجود دیمہ کیت انت کہ آ پاکستان نامہ زانگ بیت کہ آ برطانیہ پیداوارہ۔ پاکستان یا کہ پنجابی مہلوک ہما راج زانگ بیت برطانیہ ایردستیہ پنجاپیاں ہچہر وتی آزاتیہ سرڈگارہ لوٹ نہ کتگ اشانی لوٹ تھنا ہمہ بوتگ مارا مئے مزبہ سرہ آزاتی دیگ بہ بیت کہ مسلمانہ بستارہ وتی اسلامی رییدگاں آزاتیہ گوں کت بکن انت۔ بلے وھدے برطانیہ دومی جہانی جنگہ پد نزور تریت گڑا مزن بر (Sub-continent) ء یلہ کنگہ پیسرہ وتی پائڈگاں چاریت ء مزبہ نامہ سرہ مزن برہ دو جاہہ بھر کنت چوشکہ یک ٹگرہ ہندوستان ء دومی پاکستان کہ اسلام نامہ سرہ انسانہ جان ء مال یا کہ دنیاہ پہ ترس ء بیہارہ بیت پرچا کہ برطانیہ زانتگ ات کہ ناشرکاریہ پہ شرتیں کارندگہ بوت کت کنت ء ویسٹہ نپ ء سیتاں ماں ایشیاہ ملکاں گرگہ ارزانی ودی بہ بیت۔ دومی نیمگہ بلوچانی کلات استانہ نامہ سرہ وتی یک آزاتیہ استانہ بیت۔ بلے پاکستانہ وجودہ آھگہ گوں محمدعلی جناح پاکستانہ اولی گورنر جنرل جوڑ کنگ بیت۔

آزاتیہ جارہ رند خان کلات وتی وزیر خارجہ ء وزیر اعظم ء کراچی ء جناح ء نیمگا روان دنت کہ ء نوک جوڈ بوتگ این استان پاکستان ء گورنر جنرل بیت، بلے جناح ء گپاں چہ انچین روشت ء گندگ ء کیت کہ جناح ریاست کلات ء پاکستان ء گوما ہوار کنگہ درستیں کوشش ء کنگا انتہ مرگے کتگ کہ بلوچستان (کلات) استانہ ریاست پاکستانہ بھر جوڈکناں۔

کلات استانہ وزیر اعظم ء وزیر خارجہ وھدے واپس کاینٹ۔ گڈا محمد علی چہ کراچی ء خان آف کلات ء واستہ کلوه ء روان دنت۔

خان آف کلاتہ وتی گوستہ دہ سالہ گربانی کہ پہ پاکستان استانہ وجود دیگہ داتگ انت ء آئیہ چپاکشی ء کربانی کہ مسلم لیگہ داتگ انت گڑا خانہ اے امیت نہ بیت من انچو گربانی زورگیریں پاکستانہ آئیہ مہلوکہ پہ داتگ ء جناحہ درستیں داتگیں گربانیاں بیہال کنت ء منہ ڈالچار کنت ء وتی چماں جھل جنت۔ ہمیشکہ خان آف کلات گوں نیکیں واھگ ء امیت ء پراہ دلیہ گوں لہتیں منگ نامگاں تیار کنت کہ ہمہ منگ نامگاں وتی ہکومت ء پاکستانہ نیامہ دزرنڈ کنگہ کراچیہ

روت۔ بلے وھدے خان گوں گورنر جنرل ۽ گند ۽ نندے کنت گڑا خان ۽ افسوز بیت کہ گوستگیں درستیں گپ ۽ سوگند جناح ۽ شمشنگ انت ۽ کلات ۽ گوں پاکستان ۽ ہوار کنگ ۽ گپ ۽ کنگ ۽ انت۔ خان ۽ پہ ہمیشکہ نہ ہونگیں گپے ات کہ وتی زند ۽ راجی ناموس ۽ لگتال بہ کنت ۽ گورنر جنرل ۽ شرتانی حساب ۽ الحاق نامہ ۽ دزرد بہ کنت کہ ہمے الحاق ۽ پد کلات استان (بلوچستان) ۽ آزاتی ایردستی ۽ گوں بدل کنگ بیت ۽ دگہ استان ۽ ایردست بیت۔ چوشکہ دنیا ۽ ہچ چوشیں ملک ۽ State within State لیکہ نیست انت ہمیشکہ بلوچستان کہ ہزاراں سال ۽ کوھنیں بندپتر ۽ دودمانے ۽ واھند، یک اجتماعی زندے ۽ ہدابند آ چون پاکستان ۽ وڑیں دروگیں مذہبی جوڑشتیں استان ۽ گوں سہل ۽ تران کنگ ۽ جاڑی بیت۔ 1946 ۽ وھدے کلات ۽ دیم ۽ سئے (3) راہ ایر کنگ بیت۔ چوشکہ کلات گوں پاکستان ۽ ہوار بیت، یا انڈیا ۽ ہوار گوں بیت یا کہ وتی آزاتیں استان ۽ بستارے ہمے ڈول ۽ برجاہ داریت۔ گڑا کلات استان وت ۽ را آزاتیں استان ۽ بستارے ہمے ڈول ۽ برجاہ داریت ۽ کلات ۽ نام ۽ جوڑ کنت ۽ خان آف کلات پاکستان ۽ گوں لہتیں منگ نامگ دزرد کنت ۽ گشیت:

1- پاکستان کلات استان ۽ آزاتی ۽ منیت ۽ کلات ۽ ایدگہ استانان جتائیں بستارے بیت کلات تہنا ہما منگ نامگانی پابند بیت کہ گوں انگریز ۽ کنگ انت ۽۔

2- کانودی حساب ۽ جست پرس بیت ۽ پاکستان ہما منگ نامگانی پابند بیت کہ کلات ۽ انگریزانی نیام ۽ ہونگ انت۔

3- خان آف کلات ۽ پاکستانی جہگیر ۽ شکانی سر ۽ گند ۽ نند کن انت۔

4- خان ۽ پاکستان نیام ۽ دری سیادی، دفاع ۽ رھوت کاری ۽ سر ۽ گند ۽ نند بیت ۽ اشانی اجلاس کراچی ۽ بنت۔

اے منگ نامگ گواہ انت کہ پاکستان ۽ کلات ۽ آزاتی من اتگ۔ بلے نوں پاکستان اتگ زورانسری الحاق ۽ گپ ۽ کنگ ۽ انت ۽ کلات استان ۽ گوں وت ہوار کنگ ۽ ہرچ پیمیں کوشست ۽ کنگ ۽ انت۔ گڑا کلات استان ۽ وتی جوڑ گرتگیں اعوان عام ۽ اعوان خاص ۽ دیم ۽ الحاق ۽ گپ ایر کنگ بیت کہ پاکستان خان ۽ سر ۽ زور دیگ ۽ انت کہ بلوچستان گوں پاکستان ۽ ہوار بہ بیت گڑا اعوان عام ۽ کلیں باسک پاکستان ۽ گوں ہوار بوگ ۽ ہبر ۽ چہ انکاری بنت کہ بلوچستان (کلات) یک آزاتیں استان ۽ گوں پاکستان ۽ ہوار کنگ مہ بیت۔ ہمے وھدے اعوان عام ۽ کماش غوث بخش بزجو گشیت کہ ما گوں پاکستان ۽ الحاق کنگ ۽ ہبر ۽ منگ ۽ ہچبر تیار نہ این ۽ ما گوں پاکستان ۽ ہوار بوگ نہ لوٹیں۔ اگاں پاکستان زورانسری بلوچستان ۽ وتی گوما ہوار کنگ ۽ گپ ۽ کنت گڑا بلوچ ۽ ہر پرزند پہ وتی آزاتی ۽ پھریزگ ۽ وتی سر ۽ گربان کنت۔

اعوانِ عام ءِ خاص ءِ اجلاس ءِ پد خان گورنر جنرل آف پاکستان ءِ پیگام دنت کہ من اعوان ءِ اجلاس ءِ مشورہ رند ترا اے پیگام ءِ دیگ لوٹاں کہ کلات استان ءِ اعواناں چہ اے پیسلہ زورگ بوتگ کہ ما گوں پاکستان ءِ ہج وڑء الحاق نہ کنیں ءِ کلات استان وت یک آزاتیں استانے ءِ گوں دگہ استانان ہوار نہ بیت۔

پاکستان، مکران، خاران ءِ لسبیلہ سرداراں لالچ دنت ءِ الحاق ءِ پہ رازی کنت گڑا گورنر جنرل پاکستان جناح خان آف کلات ءِ پیگام دنت کہ مکران استان، خاران، لسبیلہ منی گوما الحاق کنگ ءِ تیار آنت اگاں تو کلات استان ءِ گوں پاکستان ءِ الحاق نہ گت گڑا من خاران، مکران، لسبیلہ الحاق نامگاں کبول کناں ءِ گوں پاکستان ءِ ہوار کناں ءِ زورانسری کلات استان ءِ سرء کبزہ کناں۔

مکران، لسبیلہ ءِ خاران ءِ سردار 15 مارچ 1948 ءِ گوں پاکستان ءِ منگ نامگ ءِ دزرنڈ کن انت ءِ پاکستان ءِ بھر جوڑ بنت۔ 27 مارچ 1948 ءِ خان آف کلات لچار بیت ءِ پاکستان ءِ الحاق کنت۔ خان گشیت کہ من کلات ءِ پاکستان ءِ شرتری ہمے چیزے تہء سرپد بوتگاں ہمیشکہ من کس ءِ جست نہ کتگ ءِ پاکستان ءِ گوں الحاق کتگ۔ خان آف کلات ءِ پیسلہ ءِ گوں بلوچ پدا انچیں مارشتے ءِ آماجنت گش ئے آزمان بلوچ ءِ سرء کپتگ ءِ پہ بلوچ ءِ پدا یکرندے ایردستی یے اتکگ ءِ بلوچ ہمے روچ ءِ سیاہیں روچ ءِ نامء دینت کہ بلوچ ایردستی ہمے روچ ءِ چہ بندات بیت۔ ہمے روچ برورد انت کہ بلوچ داں روچ ءِ مرچی گوں ایردستی ءِ بزگی ءِ وڑ وڑیں جیڑھانی آماج انت ءِ ہزاراں دروشم ءِ وڑ وڑیں پالیسیانی بنیات ءِ بلوچ ءِ چکچینی بوگ ءِ انت۔

الحاق ءِ چہ پد گورنر جنرل ءِ ایجنٹ بلوچستان (کلات) ءِ روت ءِ پرمان ءِ حکم دنت کہ کلات ءِ الحاق نامگ کنگ بوتگ ءِ حکومت پاکستان ءِ کلات ءِ دُرسٹیں رھبندے وتی ایردست کنگ ءِ پیسلہ زرتگ ءِ کلات ءِ کابینہ 8 کلاک ءِ پروشگ ءِ ہلاس کنگ بہ بیت ءِ پاکستان ءِ نیمگ ءِ چہ یک افسرے کہ محمد ظریف خان ءِ نامء زانگ بیت کیت کلات ءِ سر وزیر ءِ زمہ واریاں وتی زمہء زوریت۔ خان آف کلات ءِ نیمگ ءِ زرتگیں پیسلہ ہج نیمگ ءِ جوانیں نگاہاں چارگ نہ بیت۔ الحاق ءِ رند پاکستانی جہگیرانی نیمگ ءِ خان آف کلات ءِ کلات نیشنل پارٹی ءِ رھشونانی گرپتاری بیت ءِ کلات ءِ بازیں نوکرے کہ آہانی سرء کلات ءِ گوں وپاداریء شک ءِ شبہ آست انت چہ نوکریء کشگ بنت۔

آغا عبدالکریم خان ءِ گہگیری:

پاکستان ءِ گوں وتی زوراکی ءِ بلوچ سردگاریء سرء کبزہ کتگ ءِ بلوچ ءِ چہ اولی روچ ءِ پاکستان ءِ ہلاپ ءِ گہگیری کتگ۔ خان آف کلات ءِ کستریں برات آغا عبدالکریم خان کہ اے وھدء مکران ءِ گورنر بیت بلے زوراو ءِ ہلاپ ءِ آغا عبدالکریم خان ءِ سروکی ءِ بلوچ ءِ وتی جنگ ءِ جار جتگ ءِ دیم پہ کوہاں شتگ آنت۔ 27 مارچ ہما سیاہ ءِ تہاریں روچ بیت پہ بلوچ ءِ کہ پاکستان وتی لشکر گشیء بلوچ ءِ سردگاریء سرء بندات کنت۔

ہمے روجے بلوچے گہگیری آغا عبدالکریم خانے دُروشمے گندگے کیت کہ ہمے لشکرگشیے ولگوچ کنگ ے بلوچے سیاہ ے تہارین روچاں در کنگ ے پہ وشیں بانداتے در کنگ بیت۔ خان پاکستانی زورگیریں استانے بگیریے گہگیری کنانے دیم پہ اوگانستانے روت ے چہ اوگانستانے گُمک لوٹیت بلے اوگانستان آغا عبدالکریمے ہچ وڑیں گُمک کنگے تیار نہ بیت ے خانے جواب دنت۔ پاکستانی سرکار گون آغا عبدالکریمے وتی پوجے چہ بلوچستان ے در کنگے گپے کنت ے قرآنے سرے دستے ایر کنت ے پہلیے جارے جنت، بلے وهدے پرنس گون وتی سنگتار کیت گڑا آ گون وتی 200 سنگتار دستگیر کنگ بیت ے گون پوجے پھرہے توکے کلاتے آرگ بیت ے ہمے شپے 9 ے گون ہزاراں پوجی سپاہیگانی ہمراہیے مچھ جیلے دیم دیگ بیت۔ پرنس کریم 10 سالے دان گون وتی گلیں ہمراہاں زاندانیک کنگ بیت۔ 1955 ے نیامے پرنس یل کنگ ے پدنوکیں سیاسی پارٹی یے ”استمان گل“ ے نامے جوڑ کنت۔ استمان گل ون یونٹے ہلاپے جہد کنت ے چہ ہکومتے بلوچستانے صوبائی وتواجہیے لوٹیت۔

بابو نوروز خان ے گہگیری:

27 مارچ ایردستیے برورد انت کہ بلوچ ے سرے پاکستان ہرچ دورے نوکیں دُروشمے وتی زلم ے زوراکیاں بنا کنت ے بلوچے ڈالچار کنت، بلے بلوچ انت کہ پاکستانے ہر زوراکیے بگیریے چو کوہے پاکستانے دیمے پہ وتی ننگ ے ناموس ے سرڈگارے رکینگے بلند بیت ے گہگیری کنت۔ اکتوبر 1958 ے وهدے ایوب خان خان جارے پرنیت کہ خانے گون چار ہزار قبائلی لشکرے پاکستانے سرے ارش کتگ ے گون وتی فوجے کلاتے کیت ے ملکے مارشل لاء جنت ے خان آف کلاتے دستگیر کنت۔ گڑا کماشیں بلوچ سردار بابو نوروز خانے سروکیے بلوچ پاکستانی پوجے بگیریے پاد کایت ے گہگیری بندات کن انت ے بابو نوروز گشیت کہ خان آف کلات مئے ننگ انت خانے دستگیر کنگے مراد اش انت کہ پاکستانی لشکرے مئے ننگ دست جتگ۔ نوروز خانے سروکیے بلوچ گون سرکارے پوجے مزنیں جنگے دنت ے گڈسے قرآنے سوگندے سرے چہ کوہے جہل کیت گون وتی ہمراہاں دستگیر کنگ بیت۔ اے دومی رند انت کہ بلوچ قرآنے نامے سرے رد دیگ بیت۔ بابو نوروز وهدے زندانی بیت گڑا بابوے ہمراہ گون بابو نوروزے زہگے ہمراہیے پاہو دیگ بنت ے کلیں نمیرانانی لاش بابوے دیمے ایر کنگ بنت ے جست کنگ بیت کہ تئی زہگ گُجام انت گڑا بابو پسو دنت کہ ہما درستیں مردماں کہ پہ وتی سرڈگارے ساہ داتگ، بلوچانی بہادریں بیچ انت ے گل منی زہگ انت۔ بابو نوروز وتی زندگیے ریاستی آزارجاہے گوازینیت دان گڈی ساہے ریاستے دیمے سرے جہل نہ کنت ے 90 سالے آمرے ریاستی آزارجاہے نمیران بیت۔

شیروف مرے گہگیری:

27 مارچ 1948ء وھدے کہ پاکستان تاکتء زورء بلوچستانء وتی بہر جوڑ کنت ء بلوچء سرڈگارء سرء وتی لشکرگشیء بنا کنت ء ہمے لشکرگشی ء زوراکى انگت برجاہ انت، ہر دھکء بلوچ پسگان زوراوریں پاکستانى لشکرء بگپیریء گہگیری کنگ ء ہمے ریاست کہ 27 مارچ 1948ء مئے بوتگ ہمیشیء نیست ء نابود کنگ ء وتی سرڈگارء آذاتی ء پہ وتی سر ندر کنگ انت آ آغا عبدالکریمء گہگیریء دروشمء بہ بیت یا بابو نوروزء گون ہمراہاں وتی وتواجھیء پہ گہگیری بہ بیت ء وتی سرء ندر کنگ بہ بیت، ء ہمے راہء پہ لشکرء نیست ء نابود کنگء شیروفء گہگیری بہ بیت۔

شیروف مری ہرچ وھدء دژمنء ہلاپء گہگیری کنگ آسیاستء دروشمء بہ بیت یا گوریلہ جنگء دروشمء۔ انگریزء زورگیریء زمانگء وتی سیاسی چست ء ایرانی سببء 14 سال زندانی کنگ بیت۔ شیروف مری وھدے کہ سیاسی دروشمء جزء بہر بیت ء پدا دیم پہ سلاہندیں جنگء نیمگء روت ء گون پاکستانى لشکرء جنگ بندات کنت ء (پراریء) سلاہندیء بنہشتء جوڑ کنت۔ اے زمانگء شیروف وتی سرجمیں زندء تہنا 6 سال گسء گوازینیت ء زندء ایدگہ بہراں پہ وتی راجء رکنینگ ء سرڈگارء پاہازگء جنگء گون گوازینیت ء ہمے زمانگء باز زندء جزء چست ء ایرانی سببء یکبرے 10 سالء دومى زندء 4 سالء داں زندانی ہم کنگ بوتگ۔ شیروف سکیں مہکمیں جھدکارے ء جنگجویے بیت ء ہمے زمانگء روسء روت ء اوگانستانء ہم روت ء وتی زندء گڈی ساہتاں سک نادراہ بیت ہندوستانء الاجء روت گڑاھموداں بیران بیت۔

بلوچء گہگیری گوست ء ہست:

انچو کہ برزء نبشتہ کنگ ات کہ بلوچ یک چونیں گہگیری تےء واہند انت کہ ہر وھدء زوراوریں استانے کہ بلوچء سرڈگارء کبزه کنگء اتنگ ء بلوچء چکچینی کنگء وتی لشکرگشی بندات کنگ گڑا بلوچء مدام گہگیری کنگ ء چو کوہء دژمنء دیمء مک بوتگ۔ انچو بازیں استانے اتنگ بلے بلوچء گہگیریء دیم اش داشت نہ کنگ ء چہ بلوچء سرڈگارء درآہگء مجبور بوتگ انت۔ بلے بدبھتیء اے روچ 27 مارچ کہ پہ بلوچء سیاہ ء تہاریں روچ زانگ بیت گڑا ہمے روچء بلوچ گون یک انچیں بے کاریں ء بے ہسین استانےء گون زورانسری ہوار کنگ بیت کہ آ پاکستانء نامء زانگ بیت۔ 27 مارچ 1948 ء تاکتء زورء بلوچء گون وتء ہوار کنت ء اولی روچء چہ بلوچء سرء لشکرگشی بندات کنت ء داں روچء مروچیء بلوچ سرڈگارء سرء زوراور انت ء زلم ء زوراکى ء برجاہ انت۔ بلوچء پاکستانى استانء زورگیری ء زلم ء زوراکىانی ہلاپء مدام گہگیری کنگ جنگ چوشکہ مارا اولی روچء چہ پرنس کریمء دروشمء گندگء کیت یا کہ بابو نوروزء دروشمء، یا شیروف ء مرچیگیں وھدء بلوچ پسگانى دروشمء کہ پہ وتی وت وتواجھیء گرگء گون دژمنء جنگء انت ء ہزاراں جھدکار ماں ریاستى آزارجاہاں بندیگ انت بلے استانء دیمء وتی سراں جہل نہ کنگء انت۔

مرچيگين روچ 27 مارچ كه يك سياه ۽ تھاريں روچ۽ بستار۽ پھ بلوچ۽ زانگ بيت كه همے روچ۽ بلوچ۽ وتواجهي چه بلوچ۽ پلگ بوتگ، اے روچ باند انت هرچ بلوچ۽ اے مارشت۽ به دنت كه تو يك ايردستين استان۽ گلامے، مرچي كه تو انچو بزگي ۽ زلم ۽ زوراكیانی ديمپان ئے گڑا درست همے روچ۽ برورد انت كه تو همے روچ۽ ايردست كنگ بوتگ ئے، همے ايردستي انت كه ترا په دو دپار نان۽ مهتاجي ئے گتگ، همے ايردستي انت كه تئي راج۽ پير، ورنه، كماش 20,20 سال انت كه زندانی أنت، همے ايردستي۽ برورد انت كه بلوچ۽ لاشانی مچانكي كبر مارا دست كپ أنت، يك كسانين بیماری يے هزارانی هساب۽ مارا بيران كنت، ايردستي التے ۽ همے الت 27 مارچ۽ ماں بلوچ۽ سر۽ كپتگ ۽ انگت هست انت۔ باند انت كه مرچيگين روچ بلوچ۽ همے مارشت۽ به دنت كه گلامی التے ۽ ايردستين راجاں هچ بستار نيست گڑا پرچا من گلامی۽ بزور اين ۽ وش واب به بئیں بلكين ماراوش واب بوگی نه انت، مرچي بلوچ۽ كره آزاتی۽ زرمبشت جنزگ۽ انت، بلوچ پسگ همے ايردستي۽ چه وت۽ ۽ وتی سردگاره وتی راج۽ ركينگ۽ په هزارانی هساب۽ گربانی ديگ۽ أنت ۽ پاكستان۽ اے باور كنانينگ۽ انت كه ما وت يك استان۽ واهند اين گڑا تو داں مدتے مئے سر۽ زلم گت كن ئے بلے مارا پاكستاني گت نه كن ئے۔

اے سياهين روچ۽ هلاس كنگ۽ جهد پكار انت، جنگ كنگي انت، گربانی ديگی انت، سرندر كنگي انت۔ مارا اے روچ۽ گلامی، بزگی ۽ ايردستي ئے داتگ، همے روچ انت كه ما ايردست كنگ بوتگ اين، گڑا بيا ات همے سياه ۽ تھاري ۽ ايردستي۽ آسر كنگ۽ بلوچ جهده هوار به بئیں، اگان مارا چيزے چرے گلامی۽ ركينت كنت گڑا آ بلوچ۽ جنز انت، بلوچ۽ جهد انت كه په وت ووجهي۽ برجاه انت، گڑا باند انت مرچيگين روچ مارا گلامی۽ مارشت۽ به دنت مارا اے سكين۽ به دنت كه ما همے روچ۽ آسر كنگ۽ په جهده هوار به بئیں ۽ داں وتی وتواجهي ۽ راجی آجوئی۽ گون دژمن۽ جنگ به كنيں ۽ دژمن۽ اے باور به كنانين اين كه بلوچ وتی سرانی ندر كنگ۽ زانت بلے ايردستي ۽ چم جهلی۽ برداشت كت نه كنت۔